

Osterøy Kommune
Rådhuset
5282 Lonevåg

Bergen Økologiske Landsby (BØL) – NOK ER NOK

Bruvik Grendaråd ber med dette instendig Osterøy Kommune å setja ein endeleg stopp for BØL sine draumar om å skapa sin økolandsby på Bruvik. «Luftslottet» til BØL har i mange år vore til hinder for all form for nybygging og utvikling i bygda vår. Den unge generasjonen held på å gå tapt for oss!

Kvifor er me så negative til BØL ?

Forklaring:

For om lag 10 år sidan stod minst 15 stk (dei fleste unge bygdafolk) på venteliste til å få busetja seg i det nye byggjefeltet. Dåverande rådmann Øvregård var i nær dialog med grendarådet, og det vart frå hans side lova å bli sendt ut intensjonsavtalar til dei potensielle nybyggjarane. Dette drog imidlertid ut, og etter diverse purringar frå grendarådet med fleire, kom plutsleg Øvregård med ei fantastisk nyheit; han hadde funne ein kjøpar til heile feltet. Og det var BØL....

I møte med grendarådet nærast garanterte han ei strålende utvikling for Bruvik, der den første husklynga ville vera på plass innan eit par år, og ei rask vidare utbygging.

Det vart frå grendarådet si side stilt kritiske spørsmål til både BØL og rådmannen, spesielt om dei dårlege erfaringane på tilsvarande prosjekt i Hurdal. Det vart vist til bl.a. ein TV-dokumentar som avslørte store utfordringar med sprikande interesser og treg framdrift. Desse argumenta vart tilbakevist, og det vart hevda at BØL hadde tatt lærdom av tidlegare prosjekt og hadde alt under kontroll. Det går vel knapt an å ta meir feil....

Bruvik Grendaråd har i åra etter hatt jevnlege møter med BØL. Dei har presentert planar, tidslinjer, utfordringar etc., og gjeve uttrykk for optimisme og god kontroll på prosjektet. Utan unntak har alle planar slått fullstendig feil, og bortforklaringane har floret.

Status pr 2021:

- Oppslutnaden om BØL er rekordlåg. Det er nesten ingen som vil stifta bu i feltet deira.
- Økonomien er så håplaus at dei inviterer til «folkefinansieringsprosjekt» for å skaffa kapital til å kjøpa det eine tunet av feltet.
- Bruvikfolk har for lenge sidan gitt opp alt håp for BØL.
- Ifølge BN har BØL «gitt både Bruvik og Osterøy gratis reklame i åtte år» Me opplever at BØL tvert imot har hemma all utvikling i ei årrekkje, og med si hjelpeløyse nærast er ei skam for Bruvik og Osterøy.

Det er ingen rasjonell grunn til å tru at BØL har evne til å skapa ei positiv utvikling for lokalsamfunnet eller kommunen. Dei har gong på gong vist at dei ikkje har kontroll på verken økonomi, planarbeid eller praktiske resultat. Difor er den klåre budskapet frå Bruvik Grendaråd: Avslutt samarbeidet med BØL snarast! Rydd veg for andre som måtte ha ressursar og evner til å utvikla byggjefeltet.

NOK er NOK!

Helsing
Bruvik Grendaråd

Sigmund Tangstad
Jon Høyedal
Torunn Hermansen

Magne Vikene
Edith Myrland Brundvik
Absel Røstad